

Nakon provedenog postupka direktnog sporazuma na način po postupku predviđenom članom 90. Zakona o javnim nabavkama BiH („Službeni glasnik BiH“ broj 39/14), zaključuje se

U G O V O R

O NABAVCI KONSULTANSTSKIH USLUGA I SOFTVERA ZA PRIMJENU MSFI 16

između:

JAVNE USTANOVE "APOTEKE SARAJEVO", Sarajevo, Aleja Bosne Srebrene bb, ID broj: 4200280090003, koju zastupa generalni direktor Nedim Hrelja mr. ph. MBA (u daljem tekstu **Naručilac**)

i

FEB d.d., sa sjedištem u Sarajevu, ul. Mula Mustafe Bašeskije 11, ID broj: 4200566060004, koje zastupa Elma Peštović, direktor (u daljem tekstu **Izvršilac**)

I PREDMET I CIJENA

Član 1.

Predmet ovog ugovora je nabavka konsultantskih usluga i softvera za primjenu MSFI 16, što podrazumijeva i uključuje:

- analizu i identifikaciju ugovora koji su u djelokrugu MSFI 16;
- utvrđivanje iznosa imovine s pravom korištenja u svrhu inicijalnog priznanja te imovine;
- izračun kumulativnih učinaka prve primjene standarda u smislu zahtjevane retroaktivne primjene sa instrukcijom u vezi sa računovodstvenim i poreznim tretmanom prve primjene;
- sačinjavanje baze ugovora i otplatnih planova;
- izradu elaborata
- softver za primjenu MSFI 16.

Vrijednost navedene usluge i softvera u skladu sa ponudom Izvršioca iznosi 5.800,00 KM bez PDV-a, PDV na cijenu ponude 986,00 KM, ukupna cijena 6.786,00 KM.

II ROK I NAČIN IZVRŠENJA

Član 2.

Izvršilac se obavezuje da će izvršiti uslugu koja je predmet ovog ugovora u roku od 10 (deset) dana od dana narudžbe.

Izvršilac je obavezan da Naručiocu nadoknadi štetu zbog neblagovremenog izvršenja usluge, izuzev u slučaju više sile, poremećaja na tržištu, razloga koji je skrivio naručilac i drugih okolnosti na koje izvršilac nije mogao da utiče.

III NAČIN I ROK PLAĆANJA

Član 3.

Za izvršenu uslugu iz člana 1. ovog ugovora, plaćanje će se vršiti na račun izvršioca naznačen na fakturi.

Uplata će se izvršiti u roku do 30 (trideset) dana od dana izvršenja usluge.

IV SAOPŠTENJE I REKLAMACIJE

Član 4.

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora. Svaka strana zadržava pravo da u roku od 3 (tri) dana, računajući od dana učinjene povrede odredbi ovog ugovora, uloži prigovor drugoj strani.

V TRAJANJE UGOVORA

Član 5.

Ovaj ugovor se zaključuje na period od 30 (trideset) dana od dana potpisa Ugovora.

VI PRELAZNE I ZAVRŠNE ODREDBE

Član 6.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 7.

Za sve što nije predviđeno ovim ugovorom, primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Član 8.

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 15 dana.

Član 9.

Ovaj ugovor je sačinjen u četiri (4) istovjetna primjerka, od kojih 2 (dva) primjerka zadržava svaka ugovorna strana.

JU „APOTEKE SARAJEVO“
Nedim Hrelja mr. ph. MBA
Generalni direktor

FEB D.D. SARAJEVO
Elma Peštović
Direktor

Broj: 01-03-2370/19
Datum: 27.11.2019. g.

Broj: 584/19
Datum: 06.12.2019. g.

